







DISSERTATIO INAUGURALIS  
CHYMICO-MEDICA

DE

OLEIS DESTILLATIS  
EMPYREVMATICIS

QVAM

CONSENSU GRATIOSÆ FACULTATIS MEDICÆ

PRÆSIDE

JOH. FRID. CARTHEUSER,

MEDICINÆ DOCT. ET PROF. PUBL. ORD.  
FACULTATIS h. t. DECANO

PRO GRADU DOCTORIS

RITE ATQVE LEGITIME IMPETRANDO

DIE XXVII. JUNII, M DCC XLIV.

H. L. Q. C.

PLACIDO ERUDITORUM EXAMINI

SUBMITTET

JOH. CHRISTIANUS LINDNER,

Lignizenf. Silefius.

---

FRANCOFURTI *ad VIADRUM*,  
TYPIS MARTINI HUBNERI.

DISSERTATIO IN ANATOMIA  
CHIMICO-MEDICA  
DE  
OILIS DESTILLATIS  
EMPYREUMATICIS

AVCTORE  
JOH. FRID. CAR. THEUSNER,

PHYSICUS  
MEDICINAE DOCTOR ET PROF. PUBL. ORD.  
UNIVERSITATIS HALLENSENSIS

PRO GRADU DOCTORIS

PLACITO EXAMINATORUM EXAMINI

JOH. CHRISTIANUS LINDNER,  
Lignae, Sillesburg.

---

FRANCISCAE VINDOB. IMP. REG. ACADEMIAE  
TYPIS MARTINI HUBNERI.





DISSERTATIO INAUGURALIS CHYMICO-  
MEDICA

DE  
OLEIS DESTILLATIS EMPYREVMA-  
TICIS.



§. I.

lea destillata, in suo spectata ambitu, inter  
præcipua educta atque producta, quibus  
temporis progressu antiquissima & nobil-  
lissima ars spagirica suos beavit cultores,  
facile principem locum non tantum vindicare sibi, ve-  
rum etiam tueri possunt. Quis chemicorum enim,  
si à spiritibus quibusdam ac salibus volatilibus disces-  
ferit, materiam, Vulcani ministerio parandam, vel sal-  
tem è corporibus educendam ac segregandam, novit,  
quæ olea, præsertim destillata atheræa, activitate su-  
perare



perare, aut iisdem proprietatibus planè singularibus æquiparari posset? Quæ cum ita sint, opera impendendæ pretium utique futurum existimavi, si specialius hac vice oleorum empyreumaticorum scrutinium physico-chymico-medicum instituerem, & potiora, indolem eorum specificam, elementa, modum destillandi, ac vires medicas concernentia, breviter exponerem. Priusquam tamen ad tractationem specialiore[m] descendam, nonnulla de generali oleorum natura & differentia, postea dicendis fundamenti loco substernenda, prænotare placet.

§. 2.

Olea, ceu fluida spissiuscula, inflammabilia, plus minusve volatilia, cum aqua tamen per se nunquam perfecte miscibilia, in genere in *Essentialia* & *Empyreumatica*, atque illa iterum in *Ætherea* & *Unguinosa*, quorum priora sola destillatione, posteriora expressione aut coctione, è corporibus, laudato duplici oleo turgidis, eliciuntur, vulgò distingui consueverunt.

§. 3.

Notabilis inter olea essentialia atherea & unguinosa sive unctuosa differentia animadvertitur, tum intuitu indolis ac proprietatum, tum virium medicarum: *Ætherea* enim odorem spargunt fragrantissimum, & paulatim in aere libero, jaccedente cumprimis calore, in auras, prius tamen in tenerrima effluvia resoluta, maxima ex parte affugiunt, sapore præterea polent acri, aromatico, urente, igneo, & cuti teneriori, aliis-



aliisque partibus corporis sensibilibus adplicata, eas exsiccant, fringunt, arrodunt & cum dolore quasi adurunt; Unguinosa contra linguæ saporem blandum atque subdulcem imprimunt, debilem spirant odorem, in vasis apertis satis diu, absque singulari partium, adeoque ponderis, jactura, perdurant, & cutem ac solida quævis in corpore humano, præsertim si ad huc existant recentiora, humectant, emolliunt, lubricant, partes erosas demulcent, dolores mitigant, & cum aqua, interveniente subtili substantia salina aut terreo-salina, in succum chylosum, lacteum, egregie nutrientem, coeunt.

§. 4.

Jure maximo olea essentialia, tum ætherea, tum unguinosa, suam hanc adpellationem merentur, cum pristinam indolem, post segregationem & educationem è matrice sua, perfectè retineant, ac penitus simplicis essentiam secum auferant. In plantis enim, seminibus, fructibus, aliisque concretis aromaticis atque balsamicis confestim, oleo vel pressu, vel humida destillatione expulso, pristinus perit odor, perit specificus sapor, perit præcipua virtus, aut indicatæ, aliæque proprietates tantoperè debilitantur, ut sensibus vix amplius obviæ sint, quid? quod, matrix relicta merum cadaver exhibet, ac spongiæ aridæ, succo activo, qui vitam antea, qui essentiam largiebatur, vel prorfus, vel maxima tamen ex parte orbata, videtur simillima. Sapor, odor, virtus, ac quævis reliqua simplicis dona excellentiora in oleo separato hærent concentrata. Educat scepticus, ni labor displicet, de-



stillatione humida, omne, quod inest, oleum è cassia cinnamomea, ac postea videat, quid in cucurbita aut vesica cūprea relictum fuerit: Profecto, nihil amplius, nisi decoctum austeriusculum, & terrestria corticis stamina, forma externa cinnamomum quidem adhuc referentia, aut insipida prorsum, inodora, fatua, inertia inveniet: Exprimat pariter torcularis ope ex amygdalis dulcibus excorticatis, quidquid inharet olei, ac gustu deinde exploret, num sapore dulci, num virtute nutriente amplius gaudeant amygdala; an insipida potius, inepta, atque specificis viribus plane spoliata, recrementa exhibeant.

§. 5.

Memorata extendi nequeunt ad *olea empyreumatica*, quippe quæ, ceu olea, originaliter quidem vel ætherea, vel unguinosa, adustione tamen, nunc graviori, nunc leviori, quoad formam & indolem, plus minusve mutata, sese ab essentialibus integris, puris, recentibus, odore, sapore, viribus, usu, colore ac consistentia, valde distinguunt. Odor enim eorum ordinariò ingratus, quin in plerisque, præsertim ex animalium partibus sicca destillatione eductis, admodum foetidus, sapor nauseosus, acris, morsicans, urens, amaricans, consistentia spissior, imo in quibusdam planè picea, & natura valde calida inveniuntur.

§. 6.

Transformatio partium, quam ipsis ignis siccus violenta sua actione inducit, longe major observatur in



in oleis empyreumaticis, quæ ex gelatinis & pinguedinibus, quibus animantium solidæ ac fluidæ partes scatent, expulsa fuerunt, quam in oleis similibus, ex concretis oleosis, resinosis, atque bituminosis vegetabilis aut mineralis prosapia prolicitis; unde etiam fit, ut priora foetore, & sapore nauseoso posteriora longe superent; cujus differentia sequens ratio alleganda videtur: Olea, quæ bituminum mineralium mixtionem ingrediuntur, textura compactioris sunt, & ignis proinde sub destillatione tam promptè & tam altè in ea penetrare, adeoque minimas moleculas, leniori duntaxat superveniente adustione, tanfopere, quam in aliis, transformare nequit: Olea essentialia ætherea & unguinosa plantarum ipsis vegetabilium partibus jam seorsim sub olei forma laxius inhaerent, & facile ea propter à reliquis principiis segregantur, ac cito post sequestrationem, præprimis mobilia ætherea, in receptacula transeunt, quod itidem causa est, cur leviolem pariter adustionem patiantur, & ideo multum de pristino suo odore, sapore, pristinaque indole retineant. Quod animalis vero originis olea empyreumatica attinet, illa non tantum sale urinoso, quod foetorem auget, valde turgida sunt, sed in mixtione etiam gelatinæ intimiori hærent, & longe difficilius evolvuntur ac separantur; unde haud mirandum est, quod majorem sustinere debeant adustionem, & ob hanc æque, ac priorem causam, odorem & saporem multò ingratiorem fortiantur.

§. 7.

Cum oleis empyreumaticis non confundenda sunt  
olea foetida, in animalibus ac vegetabilibus motu putre-  
dino.



dinoso producta. Nam licet pleraque empyreumatica, reëctificatione nondum depurata, simul valde foetida existant, quin singula odorem plus minusve ingratum spirent, non omnia tamen inverso modo sunt empyreumatica, quum absque ulla etiam adustione, ac sola duntaxat putrefactione, in quibusvis triplicis, maximè autem animalis ac vegetabilis regni, concretis, quæ alias in motum redigi possunt putredinosum, oleum foetidum producatur.

§. 8.

Non simpliciter olea empyreumatica ex subjectis, oleo aethereo aut unguinoso essentiali, vel etiam resina, gummi-resina, mucilagine crassiori aut gelatina prægnantibus, educuntur, sed ignis ope sub destillatione sicca demum, quoad partem maximam, producantur, & ignis proinde in hoc passu non solius obstetricis, sed simul etiam genitricis munere perfungitur. Olea enim, tum aetherea, tum unguinosa essentialia, à natura genita, valdopere superficialia partium adustione transformantur & immutantur, pinguedines animales eandem patiuntur metamorphosin, pristinae temperiei atque dulcedini a credo, cum quadam amaritie ingrata, succedit, & illæ ipsæ ad olei fluiditatem perducuntur; quemadmodum hæc pariter in oleo aut pinguedine, quæ resinis, mucilagibus & gelatinis inhaerent, atque præcipuum earum principum constituunt, accidere consueverunt. Confestim v.g. & absque destillatione, laudatam partium mutationem observare possumus in butyro recentissimo, quando ustulationi subjicitur: Ita enim paulatina ignis actione  
mini-



minimæ moleculæ oleosæ transformantur, ut saporis dulcedo, ac color albidus, vel ex albido-flavescentis, cum indole temperatissima, successivè pereant, & butyrum liquefactum acre, amaricans, ex flavo-brunnum, & natura longe calidius, quinimo, si ustulatio justò diutius protracta, aut ignis substratus fuerit intensior, amarum, ex brunno-nigricans & valde acre atque igneum evadat.

## §. 9.

Ad distillationem, igne *sicco*, eoque, pro laxiori vel compactiori subjectorum textura, nunc mitiori, nunc fortiori, instituentiam, modo *cucurbita humiliores*, modo *retortæ simplices*, vel etiam, & quidem frequentius, *loricata*, quibus carbones candentes immediate possint admoveri, adhibentur. Cucurbitæ humiliores eliguntur, quoties substantiæ liquidiores, ex animantium inprimis censu, ut urina, sanguis, aliique humores, qui, licet ante distillationem aliquantulum evaporando inspissentur, valde spumescere solent, distillationi submittebdæ sunt; retortæ autem, præsertim terrea loricatæ, aptiores existunt, quando oleum ex duris atque siccis corporibus, v. g. ambra, succino, carbonibus bituminosis, resinis, lignis raspatis, radicibus, ossibus, unguibus, dentibus, sanguine prorsus exsiccato & similibus eliciendum est. Fieri tamen solet, sive cucurbita, sive retorta recepta fuerit, vel cum vel sine additamento. Subjecta paucissima, præprimis sicca, additamenti indigent, & sub quorundam duntaxat distillatione, quæ admoto igne adeo expanduntur, ut vel integra in receptaculum



culum transcendant, vel retortæ collum obstruant, arena, cinerum cribratorum, cornu cervi usti grossiuscule pulverisati &c. additione opus est.

§. 10.

Nunquam olea empyreumatica è subjectis, siccæ destillationi commissis, sola prodeunt, sed simul quoque phlegma, liquores plus minusve spirituosos, & salia sicca volatilialia, quæ ex parte rostri retortæ, ex parte, & quidem maxima, receptaculi parietibus, sub micularum albicantium aut frondium forma, adhærescunt, & nunc acidulæ, nunc urinosæ, nunc mixtæ quasi indolis sunt, eliciuntur, ita tamen, ut nonnulla oleo citius, alia eodem tardius, transeant. E succino v. g. primò liquor aqueo-acidulus, tenerrimis miculis oleosis remixtus, expellitur, succedit postea oleum subtilius & crassius, tandemque sal siccum acidulum in retortæ collum sublimatur, ex ebore contra, cornu cervi, & similibus primò phlegma, & sal volatile urinosum prodeunt, eademque deinceps oleum sequitur.

§. 11.

Ante rectificationem oleis empyreumaticis, ex animalium partibus prolicitis, uti istud ex prædictis pridem colligere licuit, præter phlegma, multum salis urinosi, vegetabilibus autem atque mineralibus tum acidi, tum urinosi quidquam inhæret: Terreo-salinæ tamen & oleoso-fuliginosæ substantiæ crassiores, cum phlegmate intermixto, separari, & oleis hisce pelluciditas, limpiditas, major fluiditas, & gravior quoque odor ac sapor, cum indole temperatori, conciliari possunt,



possunt, si reiteratæ rectificationi submittantur; quemadmodum id inter alia decantatissimum *Oleum animale* DIPPELII, quod ex oleo sanguinis cervini empyreumatico destillatione ex munda retorta vitrea, decies, imo bis decies reiterata, paratur, satis superque confirmat. Post quamcunque enim destillationem, citra ulla additamenta susceptam, notabilis substantiæ nigræ terreo-unguinosa portio in retortæ fundo relinquatur, & oleum, à quisquilliis terreo-fuliginosis hac ratione liberatum, diuturniori ignis actione atque reiterato transitu ad eò subtile redditur, ut tandem, spiritus fere adinstar, pellucidum, tenue, volatile, penetrantissimum, odore & sapore satis gratum, ac miræ, ut cum BOERHAAVIO (a) loquar, per omnes corporis vias penetrabilitatis, prodeat.

## §. 12.

Rectificatio olei cujuscunque empyreumatici, à substantiis, sub prima destillatione unâ expulsis, quantum fieri potuit, separati, vel cum additamentis suscipi potest, vel etiam absque illis. Si additamenta placent, oleum in retorta aut cucurbita humiliori aliquoties super *vitrum* aut *cretam pulverisatam*, vel *cornu cervi usum*, *colcothar virioli*, *calcem vivam*, *cineres clavellatos*, aut *vulgares elixiviatos*, *sal tartari* &c. quibus subinde, citioris depurationis causa, sufficiens aquæ simplicis puræ quantitas superfunditur, semel vel aliquoties abstrahitur: Laudata enim corpora partes fuliginoso-oleosas crassiores, seu coloris obscurioris, spissitudinis, & ingrati odoris atque saporis causam materialem

B 2

(a) Vid. Chem. T. II. p. m. 318.



rialem, absorbent, retinent, adeoque oleum dimittunt multo purius atque gratius. Sin memoratorum vero additio forsân displiceat, aut ob certum finem necessariò omittenda sit, olea per se ex munda retorta vitrea, arenæ balneo altius imponenda, evocantur. Monendum tamen, destillationem in hoc passu sæpius longè, quam in casu priori, ubi additamenta impuritatum sequestrationem adjuvant, repetendam esse.

## §. 13.

Non adeo singulare discrimen intercedit reâificata olea empyrevmatica mineralia, ut *oleum ambræ, succini, libantracum* &c., itemque vegetabilia & vegetabilia, nec minus animalia & animalia, v. g. *oleum empyrevmaticum rarismarini*, & *menthæ* &c., ut et *oleum cornu cervi, cranii humani, ungulæ alcis, sanguinis* &c., præterquam, quod aliud alio sui generis crassius, & sapore atque odore ingratiore præditum sit. Id pariter adhuc semel adjiciendum erit, olea empyrevmatica, ex animalium partibus prolucita, fœtore atque sapore ingrato longè superare olea hujus commatis, igne sicco ac violentiori è vegetabilibus nondum putridis, maximè autem è mineralibus bituminosis expulsa, quippe quæ de nativo suo sapore atque odore balsamico, quo pollebant ante adustionem, tantum plerumque retinent, ut concretum, è quo educta fuerunt, quodammodo, immo subinde satis clare, ex iis cognosci queat.

## §. 14.

Ob fœtorem & saporem ingratißimum olea empyrevmatica impura per se, h. e., nulla cum aliis interveni-



veniente miscela, rarius internè propinantur, debite vero rectificata, & destillatione, semel vel bis suscepta, subtiliora reddita & aliquantulum, tùm intuitu saporis, & odoris, tùm etiam coloris, gratiora, locum sibi inter valde activa pharmaca commoventia, calefacientia, resolventia, discutientia, sudorifera atque diuretica, in morbis frigidis, ex solidorum laxitate & mucida humorum indole primariò resultantibus, usurpanda, vindicant. „ Tres guttæ spiritus fuliginis, „ HARTMANNUS scribit, <sup>a)</sup>, exhibitæ agonisanti „ eum mirabiliter refocillando exsuscitant. Unde & „ hanc *δοκιμασίαν* imminentis mortis animadvertere licet, „ cet, si sudor post exhibitum oleum fuliginis rectificatum copiosius emanârit, signum indubitatum sanitatis est, & reconvalescentiæ, sin secus mortis. „ Hisce, vulgari scilicet modo, semel vel bis destillando, rectificatis, respectu virtutis longè adhuc præferenda sunt ea, quæ ex pingvibus atque gelatinosis animalium partibus expulsa, ac methodo Dippeliana, i. e. destillatione solitaria, decies, imo duodecies repetita, ad spirituum propemodum subtilitatem, mobilitatem ac penetrabilitatem perducta fuerunt, dum, præter, recensitas vires generales, etiam singularem virtutem anodynam, hypnoticam, antispasmodicam & febrifugam exserunt, & ideo subinde, non sine fructu insigni, in febribus intermittentibus, rebelli cum primis quartana, itemque in epilepsia cacochymica, obstructionibus viscerum chronicis, cachexia, & variis adfectibus spasmodicis atque scabiosis, ad guttas 10. 20. 30., in vino aut alio adpropriato vehiculo exhiberi possunt.

§. 15.

a) In Praxi chymiatrica p. 19.



DIPPELIUS oleum suum animale, quod, uti supra pridem dictum, nihil aliud est, nisi oleum sanguinis cervini aut bovini empyreumaticum, per se ac citra ullum additamentum è retorta vitrea munda duodecies abstractum, non tantum in morbis memoratis, sed in compluribus quoque chronicis aliis, v. g. arthritide vaga, podagra, calculo, nephritide pituitosa, & frigidis partium tumoribus &c. miris planè laudibus extollit, atque harum atque præcedentium ægritudinum nonnullas sese unica interdum dosi profligasse, aut notabiliter tamen mitigasse, gloriatur. (a) Me qui-

---

a) Non possum, in *Tractatu*, cui Titulus *Vita animalis morbus & medicina* p. 78. inquit, quin hic in commodum proximi & in demonstrationem assertæ hypotheseos, communice medicamentum, quo omnes omnino febres intermittentes, unica saltem administrata dosi, solutas esse sæpissimè comperi, & quidem operatione satis mirabili; somno enim corripiebantur decumbentes, & protracta per horas nonnunquam quindecim dulci quiete, florescente & vivido faciei colore conspicua, frustrantes paroxysmum sani resurgebant, de non recursuro hoste securi. Eadem stupenda vi somnifera in ægrotis, cum sanis nullam omnino somnum inducat, sopivit convulsionum miserandarum tragœdiam, qua æger libero aère quasi suspendebatur, mentis, & sensuum, etiam extra paroxysmum, impos, & creditos à cacodæmone agi: inducto enim somno triginta horarum incolumem stitit ægrum, loquela & intellectu simul redintegris, & omnibus Medicis, qui operam



quidem haud latet, multos, ex medicorum non ignobilium censu, di&is HARTMANNI & DIPPELII parum vel nihil in hoc passu fidei adhibere, scio tamen etiam, illos ipsos inter relationes planè falsas & hyperbolicas non satis distingvere, &, vires, quas HARTMANNUS oleo fuliginis, & DIPPELIUS suo oleo animali tribuit, simpliciter negando, modestiæ limites transcendere. Reiterata enim experientia me edocuit, oleum DIPPELII & hujus commatis reliqua vires, ipsis adscriptas, in morbis commemoratis, maxime autem epilepsia & febre quartana, non absque agrotantium solamine, persæpè exseruisse. Cavendum saltem, ne hæc & multo minus præcedentia crassiora, in iis ægritudinum speciebus intempestive atque improvide exhibeantur, quæ plethoræ, bili fervidæ ac copiosæ, aliisque causis calidis præcipuam suam originem debent. Activa enim, quod dudum monui, medicamina sunt, quæ à rationalibus duntaxat medicis, genuinæ morbi profligandi indolis, ac veræ ejus causæ gnaris, provida manu ægris porrigenda sunt.

§. 16.

---

locaverant, una cum præsentibus aliis quasi attonitis, ac tum de veritate lapidis philosophici, & medicinæ universalis ferè persuasis, licet vilissimum & abjectum pharmacopoeis fuerit medicamentum; patientibus tamen manibus elaboratum: cujus saporis grato & aromatico si corresponderet odoris gravè penetrantis conditio, esset equidem unum ex omnibus, quo maxima morborum coagulantium pars uno quasi ictu, cito, tuto, & jucundè amputari posset &c.



## §. 16.

Oleum animale Dippelii & eodem modo rectificata animalis originis reliqua, ob insignem partium subtilitatem ac mobilitatem, quæ ipsis sæpius reiterata destillatione inducuntur, corpus celerrimè penetrant, & primariam suam operationem idèò prompta resolutione, & moderata commotione absolvunt. Notatu quoque dignum est, illa ægris placidum plerumque conciliare somnum, qui, testibus DIPPELIO & HOFFMANNO <sup>a)</sup>, sæpè per viginti, immo triginta, horas una quidem serie perdurat, nullum tamen torporem aut debilitatem postea infert, sed corpus potius alacrius ac mentem hilariorem reddit. Aliud iudicium ferendum est de rectificatis oleis empyreumaticis vegetabilibus atqve mineralibus, quorum priora, particulis fuliginosis sæpius repetita destillatione ablati, ad indolem ætheream, posteriora ad naturalem, quâ antea in concreto bituminoso pollebant, formam atqve naturam, præsertim, si destillatio rectificatoria semper super aqua pura ac simplici instituat, quodammodo reducuntur, & ideo calidiora permanent: Excipienda duntaxat erunt ea, quæ ex plantis & plantarum partibus dulcibus, oleo unguinoso temperato turgidis, prolucita fuerunt, & pristinam temperiem nativam sub rectificatione maxima ex parte recuperant.

## §. 17.

Vires calefacientes & sudoriferæ in oleis empyreuma-

---

<sup>a)</sup> In Obs. Physico-chym. select. p. 53.



pyreumaticis animalis profapia valde crescunt, quando nondum rectificata in spiritu vini dephlegmatissimo, qui illa promptè recipit, solvuntur: Duæ enim vel tres olei cornu cervi, eboris, aut sanguinis guttulæ integram spiritus unciam non tantum forti sapore, odore atqve colore brunno, aut obscure rubro, sed tanta pariter virtute sudorifera imbuunt, ut in partes æquales divisa apud quatuor homines copiosum sudorem provocet. *a*) Hæ tincturæ, extemporanea quasi solutione paratæ, convenire videntur cum *essentia alexipharmaca* GLAUDERI, quam menstruo aqueo-salino urinosæ indolis è fuligine furnorum splendente extrahere docuit. *β*) Laudatum enim menstruum urinosum, cum aqua è cineribus clavellatis & sale ammoniaco paratum, oleum empyreumaticum in fuligine solvit, & extrahit, eodemqve imbutum saturatè rubrum colorem induit. Tribuit ei Inventor vires amplissimas, diaphoreticas nimirum, diureticas, aperitivas, purificantes, precipitantes, abstergentes, resolventes, itemqve cordiales, bezoardicas, antifebriles, nephriticas, expectorantes, antipleuriticæ, anticatarrhales, nervinas &c. & miros proinde effectus ab ea in variis morbis expectandos esse, adserere audet. Verum, & hæc cum grano salis accipienda erunt: Certissime enim credo, tincturam hanc & medicamenta similia in multis morbis, quibus specificè quasi atque egregiè mederi dicuntur, maxime autem in scorbuto & febribus malignis, nisi usus accedat providus

C atqve

*a*) Conf. Hoffmann. l. c. p. 52.

*β*) Vide ejusd. Method. balsamandi corpora nov. p. 192. sq.



atque circumspēctus, plus detrimenti, quam auxilii,  
illatura esse.

§. 18.

Externè, quod adhuc addendum est, olea em-  
pyreumatica, nondum rectificata, subindere solvendi,  
discutiendi, abstergendi, purificandi, immo eorum  
aliqua roborandi fine, vel per se, vel inter unguen-  
ta & linimenta alia recepta, duris ac frigidis par-  
tium tumoribus, membris paralyticis, debilitatis ar-  
ticularionibus, quin ipsis ulceribus impuris atque re-  
bellibus, balsamicis cumprimis, v. g. balsamo Peru-  
viano, de Copaiya &c. maritata, adplicantur; ratio-  
nalem tamen medicum atque chirurgum, qui provide  
ea, pensitatis prius circumstantiis, adhibere didicit,  
exposcunt. Plura quidem de eorum natura, destil-  
latione, differentia, & usu medico dicenda restarent,  
verum, cum tempus, ulteriori elaborationi impen-  
dendum, mihi hac vice plane deficiat, vela in-  
vitus contrahere cogor.

T A N T U M.





**N**avita dulce canit portu Celeusma reperto,  
Quem fera turbati terruit ira maris.  
Miles ovat viridi cinctus vi&tricia laurò  
Tempora, dum fuso victor ab hoste redit.  
**TU** quoque, cûi vultu favit fortuna benigno,  
Exere lætitiæ signa decora tuæ.  
Nempe tenes portum rerum **LINDNERE** tuarum,  
Exornat lauro docta Minerva Caput.  
Artis Apollinæ **DOCTOREM** teque salutat;  
Merces conveniens dotibus ista Tuis.  
Nam tua tabiferos tollent medicamina morbos,  
Sanabis promptâ corpora læsa manu.  
Inclyta sic virtus meritò decoratur honore!  
Cernitur Umbra velut corporis ire comes.  
Ergo Tuum vigeat nomen memorabile, postquam  
Accipiet **MEDICUM** Patria chara suum.

*Honoris & amoris restandi causa  
adposuit*

**JOANNES MOHAI,**  
*Transylvano-Hungarus, S. S. Th. & Med. Cultor,  
nec non Dn. Doctorandi Opp. ordinarius.*





Quod jam consequeris pretium Tua cura meretur,  
Famaque virtutem prædicat ipsa Tuam.  
Viribus invictis vivas, patiensque laborum,  
Et morbos omnes arte Tua releges.  
Hoc est quod cupio & quod supplice voce rogavi.  
Erga meque Tuus stet modo semper amor.  
Vive iterum dico felix & rura paterna  
Et Matrem videas. Sit Tibi fausta via.

JOH. SAM. KOESEBIER,  
*Oppon. Ordin.*





01 A 6603

ULB Halle

3

003 092 291



1007











33.

DISSERTATIO INAUGURALIS  
CHYMICO-MEDICA

DE  
OLEIS DESTILLATIS  
EMPYREVMATICIS

QVAM  
SENSU GRATIOSÆ FACULTATIS MEDICÆ

PRÆSIDE  
JOH. FRID. CARTHEUSER,

MEDICINÆ DOCT. ET PROF. PUBL. ORD.  
FACULTATIS h. t. DECANO

PRO GRADU DOCTORIS

RITE ATQVE LEGITIME IMPETRANDO

DIE XXVII. JUNII, M DCC XLIV.

H. L. Q. C.

PLACIDO ERUDITORUM EXAMINI

SUBMITTET

JOH. CHRISTIANUS LINDNER,  
Lignizenf. Silesius.

---

FRANCOFURTI ad VIADRUM,  
TYPIS MARTINI HUBNERI.

